



JAVNO KOMUNALNO PREDUZEĆE
"VODOVOD I KANALIZACIJA" d.o.o.
Kulište br. 2, Velika Kladuša
Preduzeće za proizvodnju i distribuciju vode
PDV: 2634347470001

OB 12
rev.01.08.12

Tel: +387 (0) 37 / 770-164
Fax: +387 (0) 37 / 772-164

Broj: 35-04 /19.
Datum: 14.05 /19.

Na osnovu člana 8. i 26. Zakona o javnim preduzećima u Federaciji BiH (Službene novine FBiH br. 8/05), člana 271, 272 i 303 Zakona o privrednim društvima FBiH („Službene novine Federacije BiH“, broj 81/15) i člana 24 Statuta JKP "Vodovod i kanalizacija" d.o.o. Velika Kladuša, Nadzorni odbor raspisuje:

KONKURS

za izbor kandidata za članove Odbora za reviziju JKP "Vodovod i kanalizacija" d.o.o. Velika Kladuša

I

Objavljuje se javni konkurs za izbor kandidata za članove Odbora za reviziju JKP "Vodovod i kanalizacija" d.o.o. Velika Kladuša, predsjednik i dva člana.

II

Opis pozicije

Odbor za reviziju je nadležan:

- da vrši reviziju polugodišnjeg i godišnjeg obračuna i reviziju finansijskog poslovanja preduzeća prema Statutu preduzeća i o tome dostavi izvještaj Skupštini i Nadzornom odboru,
- da preduzima druge radnje i aktivnosti u okviru svojih ovlaštenja i obaveza u skladu s Zakonom o javnim preduzećima u FBiH i Zakonom o privrednim društvima i Statutom JKP "Vodovod i kanalizacija" d.o.o.

III

Način izbora

Odabir i predlaganje kandidata za predsjednika i članove Odbora za reviziju izvršit će Privremeni Nadzorni odbor preduzeća većinom glasova na osnovu sprovedenog javnog konkursa, a odluku o konačnom imenovanju predsjednika i članova Odbora za reviziju donijet će Skupština preduzeća.

Mandat izabranih članova Odbora za reviziju traje četiri godine, sa mogućnošću ponovnog imenovanja.

Naknadu za rad predsjedniku i članovima Odbora za reviziju određuje Privremeni Nadzorni odbor.

Kandidati koji budu stavljeni na listu za uži izbor bit će pozvani na intervju.

Sve informacije u toku postupka kandidiranja su transparentne, osim ako informacija podnosioca prijava nisu povjerljive u smislu Zakona o zaštiti ličnih podataka (Sl. glasnik BiH, br. 32/01)

IV

Kriteriji izbora

OPĆI:

- da je stariji od 18 i mlađi od 65 godina,
- da je državljanin BiH,
- da nije otpušten iz državne službe kao rezultat disciplinske mjere na bilo kojem nivou u BiH u period od 3 (tri) godine prije dana objavljivanja konkursa,
- da se na njega ne odnosi član IX 1. Ustava BiH,
- da nije osuđivan za krivično djelo i privredni prijestup nespojive s dužnošću člana Odbora za reviziju - 5 godina od dana pravosnažnosti presude, isključujući vrijeme zatvorske kazne, prije dana objavljivanja konkursa,
- da nije lice kojem je presudom suda zabranjeno obavljanje dužnosti u nadležnosti Odbora za reviziju,
- da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5 Zakona o sukobu interesa u institucijama vlasti BiH
- da nije na funkciji u političkoj stranci u smislu člana 5 Zakona o ministarskim, vladinim i drugim imenovanjima FBiH,
- da nije član Nadzornog odbora ili Uprave preduzeća, zaposlenik preduzeća, niti da ima direktni ili indirektni finansijski interes u preduzeću,
- da istovremeno nije član Odbora za reviziju ili Nadzornog odbora u dva ili više privrednih društava.

POSEBNI:

- da ima visoku stručnu spremu VII stepen
- da ima najmanje 3 (tri) godine radnog iskustva u privredi
- da posjeduje stručna znanja vezana za sadržaj i način rada organa upravljanja privrednih društava

V

Potrebni dokumenti i dodatne informacije

Prijave kandidata treba da sadže: biografiju, adresu i kontakt telefon.

Uz prijavu kandidati treba da dostave:

- Uvjerenje o državljanstvu ne starije od 3 (tri) mjeseca,
- Izjave za tačke 3, 4, 5, 6 i 7 općih uvjeta,
- Dokaz o radnom iskustvu sa opisom poslova,
- Dokaz o stepenu stručne spreme

Prilikom procjene kvalifikacija i iskustava kandidata uzet će se u obzir i slijedeće: ostvareni rezultati tokom dosadašnjeg rada, komunikacijske i organizacijske sposobnosti i znanje i sposobnost razumijevanja poslovnih izvještaja.

Prijave sa traženim podacima treba dostaviti lično na protokol preduzeća ili preporučenom poštom, na adresu:

JKP "Vodovod i kanalizacija" d.o.o. Velika Kladuša

Kulište br. 2

77230 Velika Kladuša

Prijava na javnim konkurs – Ne otvarati

Javni konkurs za podnošenje prijava ostat će otvoren 15 (petnaest) dana od dana objavljivanja u "Službenim novinama FBiH".

Neblagovremene i nepotpune prijave neće biti uzete u razmatranje.



Predsjednik PNO:

Armin Redžić
Armin Redžić, bacc. oec

